



淮安詩城

五言古詩卷二

西軒丘象隨季貞訂

陳台孫

字階六山陽人舉崇禎庚辰科進士知富陽縣尋改平湖縣有文名時推二陳蓋謂卧子及公也弘光初行取吏部乙酉歸故里自號楚州酒人性宕易不治生產詩旨凄然猶足頡頏卧子

雜詩

空堂下床帷微颺起前林
曷景一何駛柔柯隱文禽
朱塵蔽中閨日暮傷我心
徙倚隨長筵垂軒佩青陰
芳榮麗晨暉若華行相尋
探懷無他累憂怨

忽已深徘徊近涼宵曠野多哀音

又

長平未貴時奴服離幽囚方朔誇編貝乃作執戟
叟志士苦不伸呼天相與仇側賤人所欺悲嘆誠
足羞羲和徂清旦奮迅沈玄洲中夜起披衣跣履
望斗牛繁星下嚴霜佳節變爲秋嘗恐斑鬢生荒
郊竦青丘醇醴良未來使我永愁憂

又

三吳多麗人平達列朱楹香裾散清響參差佩玉
英獻以雙瑤璫惠我好音聲回首顧雕甍流矚遺
光精雖在倉卒間相對自鮮明異彩傾人國令我
心縱橫宓妃遊涓盤飄飄非世情

又

孟夏綠葉腓青陰屬蒼昊易得紉帶華難逢不死
草平畛接丘壠寧必待耆老已極聲色歡所異在
壽考三秀未及吞風露令中天玉童拜木公辭世
一何早聃耳向流沙開關繇西道瓊篇不可聞長
慮漫浩浩

又

驅車上崇岡四野曠嵯峨曾景生澥隅城郭自交
羅秦宮旣焚滅漢業亦蹉跎憂抱從中來清涕望
山河天險恒獨存勁弩鋒相和山東誅董公南粵
委尉陀一朝失重勢後世爲悲歌

又

曄曄敷榮葩繚繞嘉樹枝磊磊結甘實紛挐下低
垂開軒命親友穀酌行追隨清商動客心襍奏環
曲池美人何姝妙輕衣冒寒肌明鐙整羅帶屢舞
不自持娛樂未及酣披衿有所思今我不歡笑當
復須何時

咏史

炎漢昔盛時朝賀甘露中天子登涓橋置酒建章
宮單于呼萬歲誰敢稱梟雄名將安邊陲循吏作
三公鸞鳳蔽天來毛羽自相逢賞罰旣必行技巧
亦精工人主按名實羣臣奏其功圖畫麒麟上行
幸祠河東怡情第歌賦良有孝武風

又

淮陰坐壇上垓下功竟成梁王絕楚糧亦能善用
兵王爵未須更趣湯皆已烹惟見醢醢賜不聞哀
苦聲昔日誓山河徒爲帶礪盟何不圖三分努力
自橫行寧爲田與項不爲韓與彭智哉黃老術可
以保陳平遷延劉呂間復能垂令名子房雖辟穀
寧必待長生

又

秦兵出函谷經過梁與韓平原在圍中公子救邯
鄲不惜戰鬪死豈復久盤桓侯生進朱亥感激輸
心肝手中百鍊椎頭上壯士冠強寇雖驕悍一戰
使摧殘趙人枯壘上下涕亦長嘆養士得死力天
下爲改觀何意數十載燕有太子丹

梁兵部

公狄京國彥華望鬱崢嶸皎皎天際鶴淵淵明堂
璜慨然許四方乃爲簿書嬰橫槊草露布老將畏
其名跋扈稽國討指顧戮長鯨中原方震動所至
無堅城委家事捍禦一身飽敵鎗至今嵩洛間能
道舊忠貞九死矢靡悔馳驅孫子荆傷哉多難日

瓶水無濁清有懷難自將努力隱躬耕歌哭托書
卷卓犖揚芳蘅高吟在空谷臨風咽無聲任求憚
引鏡土窟老袁閔朔雲三千里浩蕩不可程草澤
多山鬼搖唇半猩猩趨起風波惡饑寒賴弟兄招
招須我友辛苦說被纓

姜吏部

吾愛姜季子仁義垂典則搖筆風雨生奇采振九
域少謁承明廬勇心許社稷抗疏除逆碑天子改
顏色忠肅殉萊陽憂傷云孔棘其時仲也賢謹言
驅螟蝻周旋犴狴間行路動愴惻解水羣飛揚栖
栖歌偏側吳越殫馳驅芒屨牽短軾山公望攸歸
秉志無回惑城門變姓名將母瘁心力去年渡江
南今年走河北豈惜形神艱所懼鴻受弋幼子色
淒涼孟光勤絰織著作空等身饑來不可食道路
鳴鶴鷓五嶽墳胸臆啼笑變人前此意安能識天
地發殺機其道在玄默寧爲黃鵠悲母爲白龍飾
誦子思美詩中夜起嘆息

靳應昇

字彛星號茶坡山陽人有捷才爲詩壇
宿望播遷後風雅如線與張虞山閻容

卷終望社以勵同人淮安詩復盛茂子
隨南歸小築西軒相爲倡和風雨不輟
著有秋心渡河及與隨秋話諸集行世
後學能詩者半出其門下繼往開來有
功于詩教
不可泯也

擬蘇李泣別詩

悲風萬里號日落浮雲起仰天亦何言慷慨淚如
泚哀哀孤雁翔笑笑失依倚所幸雖同生所恨莫
同死握手聊須臾愁緒不可理兩人一寸心留照
河梁水

王遵不避世何以解煩憂陶潛不飲酒何以老園
丘茫茫一世人四顧罕其儔讀書聊自娛初不爲
身謀望古別有懷俛仰思滄洲誰爲知我者與爾
盟魚鷗

張養重

再見

南園

南園種瓜豆仲夏漸成蔬凌晨課僮僕帶露向園
鋤瓜豆日已好采摘日已踈野人惜物力毋令籬
架虛有客投軒來愛我畦上居肯留數昕夕與君

飽其餘

胡從中 再見

襍感

天地自高厚元化渾無息磅礪任推遷聰明蓄至
德寬然氣數順閏生聽餘仿萬物相欣榮於穆自
玄默消長時次明運行無差忒用智成小慧天地
謂逆賊

又

仲夏霖浹旬慘澹浮山陸颶風摧百雉陰鳥鳴樸
檉六龍轡長繫羲和埋窮瀆扶桑樹繁密八方匿
金昱

又

深感造化微日月周際竄四時氣自深百年至性
春土地蓄靈厚骨肉藏瑩兆蘊裡培左右靜理忌
煩擾古人圖富貴芟草爲標表

八石山中

望見一二人荒山三百里高天日中炤黯澹雲變
委一度丹壑窮再度岡嶺起翠微憶真人石泥爲

渣滓體撰草木異墾時別穀為頑煮青泥羹空叱
生羊豕高墮防散流引蓄橫塘瀰寸土築解障田
舍老故智大山如文人小山列豆簋各自尊神明
所貴難成毀

悔過詩

今日飲斗酒明日飲斗酒日月積年歲棲遲空腐
朽逐隊投賤刺因循為拜手振袂成齊帷截蘭滋
稂莠夜半每歸來黑階胡梯黝弟兄不及揖不敢
省老母悞累子姪課徒勞門役叟黜事罷威儀閉
戶鎖培塿辱來格虎落羞耻不生垢跪進老母觴
琴瑟侍左右榻內靜無譁榻外喧自受戚鄰懷濶
莽有時扣瓦缶友朋欣與晰相長無偏徂早歸謹
出入計簿數糧糗僮婢遵職業拙朴絕外誘寧儉
不避貧澹泊滿門牖真氣滄海間苦志在杵臼

劉自竝

字任先山陽人

經商丘虞城夏邑

三代故封邑何萃茲一方微子爵上公幅員異諸
邦虞思始封陳厥勢壓楚疆後弱為所併爰起楚

平王徙都盟中國齊晉相頡頏此其支屬邑賜履
亦何長誰云杞獨小迄今推富強南挹乃后陵巍
然峙二康河汭嗟不返畋遊恣外荒明德沁遺民
成旅舊物光古聖公天下裂土如裁裳八百盡滅
熄東周仍後王擴德寧擴土智哉秦始皇

湯調鼎

再見

黃河

黃河限南北源委別東西豈知萬里流堅與地面
齊仲冬前九日北風如猿啼千冰一夜合紋理各

阡畦下有蟄水龍上有轆車泥百里同一白磴道
成迴蹊肩摩無憐容滑不挫馬蹄豈其蜀李冰鎮
以五石犀憶昔二十年旬日走馱馱未有彌月久
積凍生黃墜雨澤又不降烈火慘噬臍百室且蝸
廬門巷補蒿藜官府責火禁立石無完綈况鮮舟
楫行麥粟何繇齋舊市斛一金新市庾一提中產
并日食富人典金鏡惟有賃春兒無食憎有妻生
理苦斷絕行市如螭鱗不聞武城絃但聞連栖雞
十二月十八日河再冰

河水四十日淮民苦百狀望流如望年臨河但惆
悵望日忽解堅渡口喧濁浪小艤各生涯行人賀
休暢玄冥一夜風萬木皆東向凌晨限南北客愁
如送葬君子念陽微國人嘆陰壯積寒勢有然春
風鮮駘宕安知狂瀾久天不爲之障或者蜃氣張
河靈示懲矧曠哉四時情春榮合凋喪如彼直道
卑回邪與之抗寒暄關至理人事代衰旺且須緩
旬日土牛迎彩杖會當青陽回煖日遲遲上白波
起睡龍帆檣開列嶂萬物轉生面天心惠嘉貺傾
否固有時褊情焉可量

讀元文

文章陶氣運亦或氣運拘馬上治天下大雅淪短
鳧儒人蟄草莽不得伸眉鬚達者如吏隱靜者保
菰蘆各有憂患情立言愧典謨及其不得已恥爲
歲月驅鞭心于勤苦往往入奧區曆法明歲差禮
樂精唐虞史論各有合能破俗學誣祖常與謹思
吳許姚虞俱夫是數賢者漢宋可爲徒漢儒工博
洽名理尙程朱二者業專門皆非元所無惟少摧

陷力氣象中偏枯安能起退之八代爲匡扶

讀後漢五行志

春秋紀災異禍福去占應天道有變遷人事亦偶
稱豈曰三數年咎徵可前定始有劉董徒拘牽析
驗證應劭與譙周復爲增考訂蔚宗揚其波釋義
頗無剩大抵竊比多衷理互徑庭如彼苗稼傷何
以罪讒佞建和秋雨肉何以咎殺勝日食胄與虛
何關太后鄧焉有門閤火帝嗣絕神聽或疑代非
古危言徹鐘磬瘳肥糜爛人據文發猛醒儒者念
精微安能守妾媵

張璵若

再見

洪水

洪水一朝至大地何茫茫波臣虐察菊馮夷掠秣
梁氣化所鼓蒸天地亦風浪奪我其旨奉貽我饑
寒傷無聊亦已甚或云天地長忍惟能以益匪窮
德乃光

潘尊賁

再見

和朱穆絕交詩

慷慨究有盡胡然生餘悲浮雲從何來白日不自
知但見蔽蒼旻車馬四交馳鴟鳩競先鳴百草失
華滋傾身在饑飽豈暇惜羽儀逝者自爲安遑顧
來者危陵茗驚商飈隕落終有時未及羅原雉苑
枯聽所期勉力幸改圖我匪貢讒詞

弔湖堤癡園

舟衝烟在水軟風送香善一自不尋花閉門草空
舊閒看青絲懸芳心滋眷戀憶昔瞻眺人朱燈搖
華讌堤邊嘆西子餘香猶宛宛春水上畫樓藤蕪
綠堪羨雪兒送媚心抽珠想遺囀半醉步六橋十
錦塘如練歡娛能幾時風雨于焉變寧俟夕陽悲
佳境已枉踐美人遠天涯零落深庭院簫管罷羅
衣俯仰流虛盼旣憐湖上花又弔園中燕吳愁與
楚思惆悵起清怨玉盞響正繁悲至詎能遣

錢塘江發富春驛

萬樹媚春江飄落江南葉三老一葦風天水紛相
接吹我依石稜羣山奔眉睫舟之履者峯峯之廻
者堞水之狎者龍龍之怒者鬣相資同一源神理

互超越行遊須及晨莫待芳草歇

卞爲鯨 再見

悼內

飛鳥自儔匹余獨無所依枯龜拆凍塊永夕燈無
輝總帳似有人攬之乃空幃或疑歸寧久悟來知
已非夜坐不忍思晝出不敢歸情至哀無涯莊生
非所稀

瘞鶴詩

園鶴爲隣犬所噬傷之

黃耳乃賤畜縞衣實仙禽如何恣狂癡遂爾萌機
心張牙扼其吭要害中何深令余思義鶻結想浣
翁吟若非鍛其羽橫絕凌高林俯視韓與盧晨夕
膏釜鬻放鶴苦不早瘞鶴徒沾襟龍豢固可食虎
養自可擒所以鳳希見德輝千載欽

尙祥卿

字介繁山陽人

勉諸生

秦皇陋九區雲騎炫通都劉項起黔首羨慕生觀
覩志大獲亦大探澣識異珠試觀磨杵人進往勿
踟躕

尚祐卿

字對公山陽人

倚樓思

我羨彭澤今日日酒相親醉與天地徒醒與紫菊
隣余秉命數奇亦復骨相屯食恒得并日衣恒得
懸鶉嘗憶苟全理處亂在能貧榮枯焉測識投閣
伏美新誰憐八尺軀同燼萬古塵頽然自放廢竊
比號酒民

楊

方

字大千山陽人

山寺觀瀑

素流垂百尺鴛兔野狐飛爲方澥門濤噴薄撼山
巍夜青燐火陰墓道尸魂噫蒼豹被楛矢猛虎陷
弩機寒女下膏沐炎神滋清威因之萬里腴非但
芋蒲肥當歡壯情激期悲愁心微指顧屈奇致茲
奇自翠薇

陸

吉

字醉書山陽人

遠來紀夢

遠來者同里夏塗山先主恢台園之溪亭也園中具花棚亂石所植

多高柳沉綠如山而城帶水水濶處可百丈日郭家墩墩側酒家妓閣相望墩之南日蕭田田有寺寺有塔叢樹周匝小舫如織時人園林數處予業遠來溪亭是即爲

予家予家何所也中有友二一弟子卽爲
予家人予家人何所也秋杪夜多誕夢不
述重九後一日夜分夢夢平平述之嘻夢
何足言予夙不言夢聞言夢者輒唾去然
竊傷予辛巳歲夏秋之際沉痾片夕廿日
丁內外艱三年來哀哀父母晨呼夜見予
固有覺來猶溼夢中啼之句今者夢多榮
幻涕零殊昔尙得蒙面稱人子乎孝思之
衰將於何極
傷矣傷矣

碧山倚嶮岫黃雲蓋緗帙朝登章華臺午讌乾谿
室日夕向長夜兔園脂牽軼牽軼不一聽新聲不
一律齊倡北里繁鄭女陽阿疾搥鼓無定節挾娥
枕琴瑟琴瑟從中哀讌婉從中栗譬彼倉庚飛而

乃聞蟋蟀春秋歲華更野服恣所出孤鵠失棲枝
淒音黯天日振振翔高樓高樓迂嶮巘當牕不捲
簾湫隘黝如漆上多剪刀人男女雜笑啞肅躬矚
牖下泝泝以座座天地各爲私角蹄何可詰嗟嗟
貧窶兒孺書佞仙佛筆疲工滕行不譽亦不咤何
期牛衣坐怒焉有相恤長軀謁威帝飄飄等迅颺
迅颺奔來前扈從羣驚休夷夷步磳確堦除列巍
秩熊虎當門卧蛟龍偃雲霽綠竹被阪菁金塘濱
洄瀟冠鳥燁晨霞珮玉和鮮瑟玅竭四海珍玩耽

九州秘紆繞孫子起粉脂給金鎰親戚腴羹炊印
友無相失久陋揚奇英閨媛胥名述採藥事安期
蓬瀛單精術紫芝榮我顏白髮更似櫛相爾蕪田
翁牛羊歡短鉦

馬駿

字圖求山陽人豪邁絕倫每至作詩則
沉鍊苦吟靜氣逼人著有蒿園天山閣
西樵近藁
諸集行世

雜詩

佳人遲良會日暮倚高臺拂衣舞且歌荒風吹蒿
萊帝子無故鄉久遊多衆哀去去終何適四塞起

黃埃身餘雙龍缺彈罷心肝摧春星與秋草對之

兩徘徊

徐轉迅

再見

村居

歸來豈傲物真樂寄田園烟暝雞豚息晨開鳥雀
喧綠餘棠蔭潤紅見果垂繁稚子同驅犢鮒農各
抱孫山厨炊草蔬野席勸匏樽悲懽在稼穡豐嗇

任乾坤

丘象觀

字霖川山陽人八歲工文屈小試上書
縣令命大奇之擢第一備弟子員尋遊

亂浙江盡焚應舉文削髮事浮屠自號
定和道人古云憂能傷人卒不祿年二
十五臨終猶高吟曰亂生亦太逼未卜
鬼何如其意蓋可知矣囑弟升及隨葬
湖心僧塔
從其志

與友人夜坐

面南開小閣板壁無寒侵歸雀噪簷隙朔風起高
林危坐萬感息垂帷靜以深良朋話夙昔共愧百
年心性定燭自湛神清蛩愈吟相契在物外聊以
慰斷金

聞警

甲申三月 先皇帝死社稷三王南下
劉澤清割據淮安毒甚于賊兄與隨避

亂東浙而作此詩及今讀之猶覺離亂
在眼黍稷之悲骨肉之痛一時聲淚俱
下

皇輿既脫輻百里各稱制征調無虛晷丁壯鮮活
計白髮嗟予子朱顏哭夫僭青蛇盤御座隆準隨
氓隸笑笑一儒生三伏披毛毳崑岡玉石焚瞻烏
向誰詰

贈友人四十

君年強仕時君言不得意古來有三傑塵埃誰復
識日月如跳丸桑榆冉冉至長淮湧三洲且息垂

天翅不見塞翁馬得失總難覩况值喪亂辰爲備
安于吏願君勿復言山阿同把臂

丘象升

再見

得家書

未折平安字先問致書人間里皆無恙寒門倘無
屯遙遙三歲字縷縷數行真尺書恨有限不能盡
所陳更問臨行時口授必有因荅云瑣不記氣象
皆歡間令弟前致辭爲予叙交親老父官燕薊叔
昆充成均離羣三千里違顏歷四春煩君帶一紙
傾釀凡數巡但道北堂健惟憂叔子辛妻子立門
內欲語不能伸其餘小弟妹盤旋如車輪兒孫啼
懷抱不解叙天倫人間榮枯事飄如陌上塵何似
歸田好骨肉嬉良辰

寶劍篇

豐城得一劍湛湛秋江水佩之遊長安路贈游俠
子莫誤倚秦柱莫誤觸槐樹劍術苟未工袖手寧
藏具一旦遇恩讐寒光燭斗牛呼名如意起飛電
愁王侯

高啟晉

再見

田家四時行

黃鳥鳴交交堤柳復垂絲
蒲深溪水淺芳華暗榮
滋老農習早起披霧耘
東菑朝來雲雨過塘渚增
淪漪禾長日芄芄水流日
瀾瀾雖曰晨昏勞適謝
筋力疲北牕足高臥葛天
真吾師

又

白露下高天羣芳值搖落
秋實欣逢年離離滿東
郭菊色晚舒靜含情何婫
約念此良會期忍空籬

下酌丈人禮數寬時復一
呼諾所樂且行休安計
收藏薄

丘甸

字于宣山陽人

感遇

崑崙涵奇光日月曉夜發
丈夫未成名常恐近華
髮河源別涇渭清者澄於
月如何秋士心坐看日
出沒良馬雖異阜獨立有
奇骨

郝潤

再見

擬古

三月東風發草木無不華九月霜露生草木悲落
英長榮不復悴豈非草木情其如根株浮兼以枝
葉輕獨不見南山之阿栢與察冬夏凜凜無異容
閻若璩字百詩山陽人閻修齡子束髮工詩幽
潔雋永不減晉人風味

詠懷

冥冥天上鴻矯矯雲中翼四顧絕羅網誰肯匹灘
鴻黃河下東澥萬里瀉胸臆扶乘鬱玄陰引領望
白日仙人王子晉墮地鮮偏側學道長獨難安敢
不努力

陳悅

字梅臣邳州人

新秋感興

經旬雨不出水草生如溟蔓藤礙行路瓜菓寄樹
末黍釀熟可薦早蔬已盈撮時運苟代移物力不
能奪未窮天地意眺望何繇濶澹澹持一心行止
皆如水無情多遠致鳧鷖正如此

丁謨

字蹶生清河人

古意

昔日爲君憐妾容未加好今日爲君棄妾容未加

老妍媸隨君心君心自顛倒妾心苦悽悽君情復
草草

胡銓 再見

別心公

攢眉去偶然遂成千載名我再過西湖較昔多山
情始識方菴人爽氣不暇迎時當七月望秋蘭吐
芳英著述全性理探奇稽古聲益石老如雲摩挲
空衆清閉門非苦禪吟罷煮泉鳴食我以茗餐交
我以石聲索我以澹墨飲我以蕨羹恨別何忽遽

日月苦易更恥耳不經談吾道自然并地僻心不
狹卽卑草亦生床頭卧素琴懶將膝上橫取音難
致歡逞逞俗子評紫萼采已遲香夢搖歸程與子
數諸峰峰峰皆可盟青笠對白鷗孰輕孰不輕

陳懌 字冉公邳州人

清明晚經半弋山

山足遠如續對山疑可傾栢間焚似墨霞際水流
頽因以近河雨幻爲雲外聲荒原哭已遠古墓火
猶明蘚露石泉冷窅風隧道清野坐狐兔穴虛壘

牛羊平歸念悲歡事持杯夢自成

趙柱 字石公鹽城人

溪上贈別友人

野溪走白雲片片堪贈君雲氣與溪色澹濃不能分贈君雲在手君去雲在瀆

終

淮安詩城 七言古詩卷三

西軒丘象隨季貞訂

張璵若 三見

淮陰侯釣臺歌

淮陰侯功在天壤而具千古奇冤前賢表微多白之者至

于淮安府志支離漫語稗史陽秋諸紀所載粵中韋氏事或詳或略恐天下後世見之者少將不得與方正學先生孫枝一葉是君恩詩并傳千古爰著歌行用彰厥事以明善人之必有後也

吁嗟乎天意真可疑韓侯功高三族夷拒涉拒通矢天日兵權既去反何為家人告變安知實欲加

之罪豈無辭後賢諒稱不叛劉紫陽綱目嗣春秋
會陳書執楚王信繼書后殺淮陰侯不以反書不
去爵推明心跡闡厥幽呂后殘忍赤人族圖王呂
氏生反覆詎知身死肉未寒家無少長駢就戮古
今來事多如此天理昭昭胡不忽志載軼事韓公
雍當年治兵粵西東粵有洞長諸韋氏表稱原系
韓侯宗昔當夷族中尉過竊侯幼子投蕭何丞相
私給漢圖記渡江寓書越王佗改封韋氏長諸蠻
蕭書佗册今斑斑天意從來不可測天道從來多

好還君不見漢室江山安在哉淮陰至今有釣臺

靳應昇

再見

盆魚歌

小魚在盆如在室魚喜不多水不溢優哉游哉掬
水間晨夕與偕不相失久與人狎殊不驚人亦樂
觀以永日湖澥惡浪高於山魚大於山亦憂怵亢
躍到處是凶門似爾卑潛翻得吉遨遊嬉戲聊此
生何必顧影復啾唧觀者若以小爲嗤君不見敝
禪之中多蟣蝨

蔬枰歌爲射陽宋份臣賦

射陽之坡有吾友家有盤阿數十畝年來狐兔穿
荆榛掉臂不顧如棄帚閒亭曲榭盡荒蕪白晝蚍
蟻當戶牖一日吾友返故園向年位置忘左右歎
曰胡爲至此乎掀髯一笑更掩口收拾長鍾葺我
茅一卷一琴一瓦缶除地但取種佳蔬門前不必
柴桑柳非其種者鋤去之不待高秋刪稂莠四顧
町畦形若枰名以蔬枰實可受君不見鼎湖陵邑
歷代遷昔人捕魚今發筍又不見鳴鏑彎弓無處

無桑者閒閒翻袖手敢爲莊語枰中人勝着今歸
灌園叟

胡從中 三見

甲申九月登湖州毘山同朱岷左作

朝看白雀無所遇暮看白雀成霞霧五里檜舟離
郭門九十秋聲落水路毘山之山隨步登一登再
登堪回顧循澗石渠走喬木紅柏飛射雲回互磴
道曲折草葉披亭子低隘天地錮西邊弁山望真
人瓔珞纍纍埏埴塑緣峰作冠座峻察西陵別峰

青瑩乳白雀高雲龍虎呼白玉低巖金碧鑊

白雀寺在

弁山山石瑩然如玉有別峰曰西陵

震澤蛟宮湧潮音道場斜風出

大護

道場山在毘山南

江東江北列儲胥早晚豹簾弄蹄

戍府兵日駐九曲池甘泉烽火久驕怒嶙峋嵐氣
堪隼鷹茗雲四出闌鵝鷺山中老幼不知兵蒸藜
煮芋日大酺高卧山頭看山光門開不閉圍大樹
京都有事如闢荒但言皇帝淚如雨

張養重

三見

野菴恭讀

先皇帝御墨

細雨出城步遲遲河上草菴人不知我來剝啄方
入戶老僧出關如有思架前卷軸含血跡次第取
閱光陸離更有一軸秘不發我爲再拜泣陳詞草
莽之臣饑渴久幸容冒昧鑒其私焚香展視一大
哭風雨龍蛇繚繞之聖人命意在光大千古傷心
非所期野夫今日得不死吞聲飲恨徒爾爲

丁亥九月十一日感事

霜風覆城天欲曉冷冷月照河邊草一聲雁過將
軍營四面秋心吹角老何意澣上輕薄兒孟浪揭

竿淮陰道深入嚴城學跳梁荆軻弗密舞陽小短
兵巷戰黃塵昏可憐血刃隳肝腦事既不成死無
名空餘腐肉飽烏鳥

閻再彭移足睡軒於一蒲菴歌以紀之

軒爲倪鴻

寶題並藏黃

石齋手蹟

鴻寶云亡石齋死天下猶傳兩夫子予友足睡名
其軒司馬初懷亦如此去年軒睡屬他人一榻蕭
蕭黃塵起黃塵起燕雀飛增數椽傍溪水漳澣相
國百代師生死交情一幅紙半巒嶙峋石可摹遂

令寤寐生仰止暮睡落月中朝睡紅日裏湖雲不
掃午夢深水石潺潺滌其耳願從希夷夢徐徐何
時大笑墜高驢

一蒲菴堤上栽七柳歌

山門不開山路幽老僧高卧清溪頭門外春風吹
古渡山鳥欲來棲無樹自携長鏡上西岸參差植
柳路不斷偶然七株非有心七株成樹山自深指
日春陰綠滿堤出門倚杖聽鶯啼

七夕琴歌贈楊懷玉太常

蜀人名正經初官副總兵崇禎中以

通音律被召改今官甲
申變携賜琴流寓淮解

七月七日絡緯啼新月易落天河低酉陽山人製

新曲

公自製西方思
操悲先皇也

徵音激越風悽悽此曲未終

泪雙出自言家世本巴西少年讀書通聲律壯志

從戎事鼓鼙

先皇郊廟奏雲英琴瑟空陳絃不

鳴大典無光聖顏戚孝思何以荅幽明下訪臣夔

咨臣楫

公爲林宗
伯所荐

臣楫稽首曰臣經少諧律呂長

擊劔手提十萬備邊庭聖恩特詔語皇皇惟爾臣

經典太嘗奏上明堂雅頌正經營一一協宮商運

逢甲申龍戰死回首西山血尙紫孤臣不如雷澥

青南走江河泪不止未央宮裡鐘鼓絕凝碧池頭

管絃咽琴瑟都成爨下薪伶人半似風中雪今日

羈孤淮水涯故鄉萬里心悲切遙念先皇聲忽

吞愁思盈盈十指存作歌譜入枯桐裡對人欲彈

愁斷竟相向滅燭輟琴坐螢火入牕飛箇箇竟招

不來歌楚些嘆息夜深人未卧城頭統統鼓欲破

啟戶零露溼衣裳牽牛織女星纔過

送唐祖命之青州

江南草聖稱唐子頃刻雲烟透萬紙客淮兩月問
字多鍊限將穿手不止唱酬與我日無虛交情直
欲古人比更說山東訪故知一卷冰雪充行李明
日方乘一葉舟昨夜已添數尺水唐子爾去及秋
早聞道青州從事好晨昏不嘆食無魚時俗家家
皆剝棗爛醉當讀魯連書悲歌獨上田橫島南顧
淮陰多故人無端又屬并州道人隔黃河夜正深
歸隨白雁秋應老秋老夜深歸莫遲待君他日立
東籬相逢解橐各大笑黃金白雪何紛披

宋

曹

再見

大江夜坐

滿江夜色誰能画山月橫江月倒挂我今獨坐大
江頭捉筆難書江漢羞馮夷吹水筆精動詩成可
續桃源夢大江一夢石生蕊蘆花幾處臨江水棹
發江心掃浪花山根直接鮫人家鮫人捉月月不
住浪花亂沸魚龍氣天邊雁影弔江妃江上漁烟
闌秋霧漁人醉起不知愁酒酣招我下滄洲我羨
漁人無顧忌高歌古調隨天地

劉自竑

再見

詠史

非子建邦周寢弱邾鄆東遷疆益擴岐雍故地屬
版圖赤烏王氣全歸若嗣君得隴復得蜀西帝乾
坤半中國鷹擊關東孰敢攻賢館空勞延說客雒
陽季子策竄良聯從定約如雁行秦兵一動五國
起一手何如眾學強無何人六心亦六更兼辯上
相傾覆朝為昆弟後代讎翻向嶠函偷貢玉秦人
驚伏但伺隙遠交近攻爭寸尺韓魏先亡燕趙降
楚齊包舉無餘力嗟吁若守蘇子盟未必其亡不
後羸匹夫建策抗王者儀衍何人敢並名

潘尊賁 三見

捕澥魚

鹽官莽蒼流泥鹵弄潮者見亦何數魚背如山鬣
似帆抵舟直觸澥水怒春風吹雨鐵網哀蛟龍鼓
暑起雲雷漁師不測鬼神意猶狎狂歌放棹回

澥雨歌

畢星遙遙天吳起雲垂綠脚測澥水老蛟啼風撲

作腥甲兵未洗銀河恥釜翠封烟公子饑賣珠侍
婢持筐歸牽蘿補屋休唧唧待我義車御白日

王翼武

再見

劉續

高帝諸孫子劉續功最高續若不先倡赤幟文叔
何繇着絳袍雄心毅骨聖公忌令人太息恨見曹
至今但稱漢光武誰識春陵始事勞

陸丞相

臣子何爲迫君死或存或亡聽之耳不知此是婦

寺忠相公大義寧同此肯以孺子待吾君唧皦稱
臣真堪恥徽欽北狩竟如何德祐皇帝再悞矣完
顏不屈奇渥溫雉經蔡州猶爾爾何況大宋異亡
金豈宜三有降天子請君負在微臣背君臣都俞
赴澣水以濤爲槨魚爲棺不使元臣得髮齒可憐
守緒骨已分臣今葬君在波底楊璉真珈毒難施
何繇獻骨燕京裏只此勸君死社稷猶是誠意正
心理蛟宮夜夜聞講聲還與吾君相終始嗚呼遍
觀古忠臣忠臣之忠忠一已疇似相公善事君成

君以義壽青史君有臣兮祖有孫亡國雖悲仍足喜

陳 悖 再見

得邢子愿書瞿節婦碑

圯有節婦寔者妻身殉故夫死如節時有直指旌
其奇規畫基址爲置祠天爲貞烈貽來茲先生督
輸來下邳先生生平最重斯前爲題詞後賦詩一
代偉人鴻文垂如椽之筆雄以麗鳳翥鸞翔書就
時重比琬琰壽鼎彝節烈得此永弗遺奇事馨傳
每借資漢之孝女曰曹氏邯鄲叔子爲題詞爰有
右軍書其碑中卽夜讚壺曰辭迄今相傳千百祀
覩者聞者爲解頤先生此碣殆兼之日拈瓣香相
拂披朝夕婆娑愜衷私斗室騰光耀陸離寒山片
石真我師永曰寶之其無隳

水漲

召災者誰天降此被災之人曷窮已殄戾不虛運
際否厥罰恒陰載之史萬頃滔漭無斷止荇藻縱
橫禾稻死狂瀾東逝何所砥水蓼吐紅波光紫山

根木末爲維艤波濤去天僅尺咫風帆乘此驅如
駛窮廬隱隱沒戶庀農夫業農卽長技滔滔何處
施耘耔能自拔者皆轉徙蕭條窮子終守是守此
終年何所恃去此又恐嘆離化三日一炊活婦子
冷竈費烟溼不起對余愁嘆數停晷况復催科敲
肌髓停杯書此淚盈紙流民繪圖誰投匭

楊方

再見

鄰舟行

鄰舟有女年始華不惜蛾眉鬢髮斜雲鬟兩髻經
風亂薄羅團扇肆咨嗟咨嗟妾昔橫塘住一村烟
碧染深樹終年不採綺陌桑家有餘芻喙雁鷺可
憐數歲歎朝夕女子勤苦丈夫役停橈幾傍浣花
秋無數相思愁裏積吁嗟薄命莫人憐紅粉不慣
飾金鈿儂心浮沉任流水江北江南泣杜鵑

蕭夢蘭

字芳洲山陽人

舟過邗溝

揚州十里隋宮花墮水衝泥爛馬牙紅垣脫冠橫
葑蘆白樹無皮蹲鴟鴞狐女梳樓畫閣出斷藻碧

井甃柳車陰鬼窻宰紛若嗟芙蓉帶血猶紅葩葯
欄十二霖雨溼香菟翠魄玉鈎斜健馬軍裝官放
衙二十四橋有鬼譁寶刀大纛市交叉秋河盎盎
空水注如此驚心戰毛骨劫灰燒燼廣陵月牽船
履虎轉邢溝傷人制淚渡陰樾孤城峯嶺眼中恢
苦鼓酸樵凍戰臺儲胥雁聲挾秋去迷仙樓影倒
愁來莫彈長劍莫爲客腥風點點屈行色銀瓶玉
注不輕吞關吏望湖亭啟門

望湖亭

魚藻輒船牽客眼案梳榆浪成虛棧客眼時時先
柳青柳絲曲曲遊輪縮孤山狂客趙子固醉卧望
湖駕孤鶩接天金粉馮湖銷西陵纍纍蘇娘墓憔悴
西陵客漫遊破眼射破西湖秋石亭勞勞停客
愁莫教散漫湖上樓花樓詭槩新娥舞春風桃杏
飄無主黃雁不知慰謝公啞呀六月寒風雨鳥自
斷腸人自嫵單有客心難比數湖心青纒一株煙
飛作光霞翳亭柱

李同節

字乾行山陽人

嵇淑子以詩見寄并得卞友龍書

誰復能彈廣陵散誰復能開雙白眼眼花紙上睡
珊瑚光氣離離星月罕世人望之驚欲走溱墨陽
春醉斜覽高放雄才思把臂酣戰渾身俱是膽百
和曉霧綺牕香詩座春風晝錦堂鷓鷀杓玳瑁觴
黃鸝雙楫斗酒兼淮漣有水城如隔反復孤鴻意
更長

李枝翹

再見

贈李嵩岑水部

君不見玄圭自古通神明白圖黑玉別有旌又不
見鱗宮貝闕鮫綃瓦翠媯朱文五老下桃花竹箭
泛新流碧浪青菱遊白馬先生欹枕綠楊才把酒
橫江一快哉王梁主衛作玄武素絲赤伏登三臺
長吉酒太白泯于嗟乎先生崛起清埃霧雜恠支
祈過別齋河伯披圖示寶器璿珠玉果紛燭銀卽
今六月礮山水不溢些兒月痕子河北淮南盡福
星曲曲流觴泛香沚便欲徜徉萃墨亭落日臨流
目多美

劉芳聲

字何實山陽人

雪霽

深館幽棲俗慮却萬壑陰消雲似掠雀呼欲曝爭
上枝啄雪不得飛且攬簷溜垂空滴不下風吹冰
擊聲相斲粼粼寒生透紙窗日影模稜曙光薄披
衣獨坐香氣氤氳靜氣直與古人親一日有悟識素
心愧未讀書學守貧

陳穀駿

再見

湖室爲水所漲

我築湖屋棲湖水湖水我愛清我耳湖光閉戶亦
在室湖景不假工繪紙予間鷗鳥亦親予漁子久
熟如知已連朝天變大風雨添得水痕浪不止風
濤疊起山層層蛟龍怒吼室斯徙主人長恨問憑
夷湖上躑躅悲何底鷗鳥又依閒者去漁人鼓柁
滄浪裏

二駿行

二駿偃仰野草叢骨相稜稜氣槩雄毛綠眼黃瞳
夾鏡不比駑蹇皮肉豐良樂未逢暫隱約柳底溪

邊閒濯驥籥雲歎玉不輕試兩兩不期志自同長
嘶悲鳴共陪吊肯受繼絆欄檻中金駟上駟滿天
廐幾能汗血成大功豈知草莽委神驥晚食不給
眠秋風千里看教雲電逐一朝驥駭與北空聯轡
共入天子殿不數都尉胡青驄賜鞍錫革何隆重
聲價赫然高王公彼何人斯在盼顧真龍在側常
惻惻

劉沁區

字心水一字劬思鹽城人

溪堂聽倉太倉彈琴

一峰秀色兼雨來谿林過雨生秋懷移時蘿隙夕
陽墮有人抱琴石上坐嘿然揮指朱絲鳴紛紜物
相如窈冥此中何可容思論我知非盡絲聲韻廣
陵調絕誰與傳詎意吾子遊其天白雲浩浩起清
壑絃亦無聲窅子落

丘象觀

再見

廣陵七夕

去年七夕月偏明今年七夕風更清風清死者不
可見月明生者竟空驚車塵沓雜蒿萊處走馬街

前墮烟土破戶瀟瀟窻鬼哭寡婦孤兒何處苦雲
漢昭昭秋復來歡期難與雙星迴一年一會猶嗟
怨何似長眠墓不開

李孫偉

再見

曉發楊子江

曉發江干江水赤舟人持篙行水脊一雙灘鴻不
受驚轉盼顧人啄沙石沙石無風水不來綠芷青
蒲纜數尺遙見潤城烟火生賈舶明昧無一隻雲
氣朝隨出洞龍豈無幽人藏深澤蒼靄微茫出樹

間櫓聲已送龍潭驛

陸又深

字逃夫宿遷人

同此明諸公泛蓮出入與月俱

蓮花入秋色更宜孤舟隨月看更奇層層蒲色迷
花色曲曲蒲聲通花帷一葉一葉抱舟立一枝一
枝帶月持月下覓花花有光花上覓月月有香靜
思香光分合處淵淵蒼蒼心已忘忽聽水風接一
響舟子欲懶又欲行月追夕陽入西嶺星散孤光
作小明暝色孤舟尋歸况心竟猶在花一方

印家司馬詩集

昔年宦跡貪山水歛合新詩得性理歸來爭看宦
遊人蹲踏柴門笑而止中有一二之高士日不知
書視以耳訛聞其詩遠有名乞得其詩勒之梓梓
欲廣俗之見聞貧者無紙富者鄙今逢阿翁高秋
日東鄰誅羊西鄰鹿人知羊鹿令翁肥不知翁詩
令人齒深嘗察陰靜對之毛髮欲飛心如沮魯聞
杜陵自吟詩我翁度日今如此還將公詩爲公祝
翁曰知我者猶子

王家胤

字祚錫濟州人

讀史

當年烏喙雄弄兵霸橋李一戰雙
耻復千古說西
子吁嗟平生聚教訓足發憤不事仁義事紅粉昔
日行成越始強今不行成吳遂亡滅吳不蹈婦人
仁霸越功歸婦人身陰險狡詐羞當國五湖烟水
匿謀臣

聞高康侯過伊山久待不至

每望北山冀來思忽聞君過河之湄小園掃除日

潘安詩坊
候子欲青未青桃柳枝期子把臂長林下坐傾濁
酒誦新詩家貧愧乏盤餐具喜子正值長齋時蘇
晉風流子所慕命名因亦與同之
康侯亦今年黍名晉
地耕已遍謀釀急于八口饑生平快友獨有子惟
當日日款吾籬但共長吟卽長醉何妨一日傾千
卮試念百年幾聚首失茲一晤能勿悲

丘象升 三見

報國寺古窠引

昔看石城天界之古窠森森千丈如遊龍虬枝百
結鱗瓜瘦高寒直接鍾山峰今過燕臺古報國儼
似秦封大夫色鐵幹干霄拂亂雲團團車蓋如蒼
墨曲勢嶙峋巨石屏風聲激怒崩雷霆劔門倒挂
勢欲走巖巖老氣分天青山僧指我語興亡三百
餘年此物長根下窠膏龜已伏合成大藥朱顏昌
時當變革萬物踈歲寒猶得存孤質但向空門伴
寂幽寧隨桃李搖春日

陳 憺 再見

飲山洞

海安詩坊
隔溪曲尋向山路良朋杯酒行與俱層砦斷處大
河流烟水重蒙山下霧山下有泉名乳竇溜落礫
匣清可漱奇雲忽假亂峰多筍石如抱谷勢走晚
林足師歸草渡杖頭携樽樂所售數處野水出秋
山半嶺老檜陰白晝拾得栢子共察脂嘆息谷下
屋誰構把杯浪語對生平繇來狂士人無咎

閻胤弘

字錦濤山陽人閻修齡姪

良嶽篇

灑天蒸雲雲色蒼宋家宮闕浮光芒萬歲山成名

良嶽聳峙二嶺飛龍翔藥寮紫石相掩映漱瓊倚
翠兼西莊小山橫亘芙蓉城蓬壺秀麗踣阿房搜
巖剔島山鬼嘯金屋琪卉爭新芳東京年少紫駟
馬相逢盡是童與梁宮中歌舞聲入雲天子晏樂
方未央燕山鼙鼓震地來黑光炤日縈城隍大河
以北無堅壘方平之師潰黎陽青城擅笠誰與共
暮烟衰草空莽莽鵲翡翠入林谷老蛟白晝吼
秋霜黃沙落日孤夜眠雕甍綉礎飛餘香可憐彩
芝不復見荒塚纍纍蹲北却可憐五國不復返寒

冰九月飲濃漿吁嗟乎層樓築吳人哭曲水流吳
人愁太湖奇峯千尺高斷城扶屋猛且豪舳艫牽
輓蔽天地躡州轆郡如飛燹橫涯白骨丘山積江
頭哽咽惟屍骸吁嗟乎東南猶徵貢烟塵已障鐵
騎驕起看黃楊三十本枯藤蔓葛連蓬蒿

程 泓

再見

義僕

黃沙吹敗草九月蘆花老花老胡馬寒主人行路
難携我舊襦袂僅餘刀箭瘢從主驅車去零淚且

盤桓憶昔少年隨主遊俠骨自許羞恒儔生不爲
主報父仇願從主人老死歷落委荒丘至今奔走
三十秋東失駿馬西失裘主人掩面向僕悲我則
爲君子爲誰終身相累無相怨古人所難今未見
君不見挾彈多從公子遊明年飄然獨自上揚州

徐振芳

再見

舞陽歌挽潘若稚大夫

大夫名弘山陽人以明經授舞陽令抵任

賊卽圍舞陽大夫堅壁守叛衿縛大夫獻賊大夫言不屈賊支解之子諸生澄瀾亦赴義死崇禎癸未九月事也巡方上其事得卹典贈僉憲故稱大夫名宦鄉賢兩祀

江湖起立嵩華走日潛月匿雌魁吼地坼天崩柰
 若何澆以英雄血數斗潘大夫偉男子來自星辰
 降淮水自負龍逢捧日心天與常山罵賊齒三尺
 青萍七尺身敢為舞陽守孤壘舞陽之人人而豕
 不為官使為賊使令長初來民未親縛以迎賊賊
 色喜賊欲勿殺公逾怒數以大義詈不已豈有降
 賊潘若稚生不徒生死不死有頸自足當汝刀有
 胸自足當汝矢剖取赤心還九廟白骨長留撐地

紀誰知腸腎是風霆化作青虹照青史大夫死
 子死孝信有人間好橋梓黃河之水流湯湯前有
 難陽後舞陽父老傳其事聞者共嗟傷尸祝陳歌
 舞俎豆有輝光忠寬義魄寒天地天地有盡神洋
 洋

蔡 昱 字孟昭流寓

鹿飲泉 在洞庭山縵峯之左

天半流泉雲之巒龍頭螭足笑築攢石泓碧映苔
 花寒依稀仙掌沆瀣盤清於帝子濯水紈涼如梅

花 浥 露 溥 鹿 奴 破 烟 走 巉 岼 玄 風 縹 澱 迴 漪 瀾 掬
此 一 勺 浣 我 弁 嗒 然 長 嘯 樂 考 槃

